

REGLUGERÐ

um breyting á reglugerð nr. 381 5. september 1975 um breyting á reglugerð nr. 223 19. ágúst 1974, um bann við veiði smásíldar.

1. gr.

Í stað orðanna „7 500 lestum“ í 2. mgr. 3. gr. komi orðin: 9 675 lestum.

2. gr.

Reglugerð þessi er sett samkvæmt lögum nr. 44 5. apríl 1948, um vísindalega verndun fiskimiða landgrunnins, til þess að öðlast gildi þegar í stað og birtist til eftirbreytni þeim sem hlut eiga að máli.

Sjávarútvegsráðuneytið, 8. nóvember 1975.

F. h. r.

Jón L. Arnalds.

Jón B. Jónasson.

Nr. 482.

14. nóvember 1975.

AUGLÝSING

um álag á fasteignamat.

Félagsmálaráðuneytið hefur ákveðið, samkvæmt heimild í b. lið ákvæða til bráðabirgða í lögum nr. 11 28. apríl 1975 um ráðstafanir í efnahagsmálum o. fl., sbr. lög nr. 8/1972, að álag á aðalmat fasteigna, sem tók gildi 31. desember 1971, skuli vera 173%, að því er tekur til notkunar fasteignamatsins til ákvörðunar gjalda til sveitarfélaga á árinu 1976, sem reiknuð eru sem hlutfall af fasteignamati. Hér er því um að ræða 36.5% hækkun frá fyrra ári.

Félagsmálaráðuneytið, 14. nóvember 1975.

F. h. r.

Hallgrímur Dalberg.

Jón S. Ólafsson.

Nr. 483.

30. október 1975.

AUGLÝSING

um staðfestingu á aðalskipulagi Selfoss.

Samkvæmt skipulagslögum nr. 19 21. maí 1964 hefur ráðuneytið í dag staðfest uppdrátt af aðalskipulagi Selfoss, sem gildir fyrir Selfosshrepp.

Uppdráttur þessi hefur hlotið þá meðferð, sem lög nr. 19/1964 gera ráð fyrir og hefur verið samþykktur af hreppsnefnd Selfosshrepps 10. september 1975 og af skipulagsstjórn ríkisins 13. október 1975.

Jafnframt er úr gildi felldur aðalskipulagsuppdráttur sá af Selfossi, sem staðfestur var af félagsmálaráðuneytinu 26. nóvember 1971 sbr. auglýsingu nr. 239/1971, sem birt var í B-deild Stjórnartíðnda.

Félagsmálaráðuneytið, 30. október 1975.

F. h. r.

Hallgrímur Dalberg.

Guðmundur Karl Jónsson.

11. nóvember 1975.

Nr. 484.

AUGLÝSING

um breytingu á lyfjaverði.

Gefin hefur verið út ný vinnugjaldskrá nr. 2a/1975 við lyfjaverðskrá I frá 15. júlí 1975 og tekur hún gildi 15. nóvember 1975.

Samkvæmt vinnugjaldskrá þessari er hækkun vinnugjalda í lyfjaverðskrá I 13%, en afhendingargjald samkvæmt lyfjaverðskrá II verður kr. 90 í stað kr. 60.

Hækkun lyfjaverðs vegna hinnar nýju gjaldskrár telst vera 3.8%.

Heilbrigðis- og tryggingamálaráðuneytið, 11. nóvember 1975.

Matthías Bjarnason.

Páll Sigurðsson.

3. nóvember 1975.

Nr. 485.

Bréf menntamálaráðuneytisins um lágmarkseinkunnir til inngöngu í menntaskóla og framhaldsdeildir gagnfræðaskóla 1976.

Menntamálaráðuneytið hefur hinn 3. nóvember ritað skólastjórum allra skóla, er brautskrá nemendur með landsprófi eða gagnfræðaprófi, og skólastjórum menntaskóla og fjölbrautaskóla á þessa leið:

Ráðuneytið hefur ákveðið með vísun til 8. gr. reglugerðar nr. 383/1975, um framkvæmd samræmdra prófa í grunnskóla, að eftirfarandi reglur um lágmarkseinkunnir til inngöngu í menntaskóla og framhaldsdeildir gagnfræðaskóla skuli gilda fyrir þá nemendur sem ljúka landsprófi miðskóla eða gagnfræðaprófi vorið 1976:

- A. Til inngöngu í menntaskóla og hliðstæðar námsbrautir í öðrum skólum þarf öllum neðangreindum skilyrðum að era fullnægt:
 - a) Meðaleinkunn í samræmdum greinum verði 5,0 eða hærri;
 - b) Meðaleinkunn í skólaprófsgreinum verði 5,0 eða hærri;
 - c) Meðaltal meðaleinkunna (í a- og b-lið) verði 6,0 eða herra.
- B. Til inngöngu í framhaldsdeildir gagnfræðaskóla, aðrar námsbrautir en falla undir A-lið, þarf öllum neðangreindum skilyrðum að vera fullnægt:
 - a) Meðaleinkunn í samræmdum greinum verði 4,5 eða hærri;
 - b) Meðaleinkunn í skólaprófsgreinum verði 4,5 eða hærri;
 - c) Meðaltal meðaleinkunna (í a- og b-lið) verði 5,5 eða herra.